



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 551 225; Fax: 033 551 226
E-mail: nasastranka@nasastranka.ba
Web: www.nasastranka.ba

Broj: 051/16
Sarajevo, 30.03.2016.

Dostaviti:

Skupština Kantona Sarajevo
n/r predsjedavajućoj

PREDMET: Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo

Poštovani,

Na osnovu člana 106. Poslovnika Skupštine Kantona Sarajevo, dostavljam vam **Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo.**

Imajući u vidu da je riječ o pitanju za čije uređivanje postoji neodložna potreba, a na osnovu člana 145. Poslovnika Skupštine Kantona Sarajevo, predlažem da se ovaj nacrt uvrsti i da se o njemu Skupština očituje u redovnoj proceduri.

U prilogu Vam dostavljam tekst **Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo** sa obrazloženjem na bosanskom jeziku i elektronsku verziju istog.

S poštovanjem,

Predrag Kojović
Zastupnik u Skupštini Kantona Sarajevo
Naša stranka

Na osnovu člana 18. tačka b) Ustava Kantona Sarajevo ("Službene novine Kantona Sarajevo" br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana _____ 2016. godine, donio je

ZAKON O PRIJAVLJIVANJU, PORIJEKLU I KONTROLI IMOVINE IZABRANIH DUŽNOSNIKA, NOSITELJA IZVRŠNIH FUNKCIJA I SAVJETNIKA U KANTONU SARAJEVO

POGLAVLJE I

OPĆE ODREDBE

Član 1.

(Cilj zakona)

Ovim zakonom se utvrđuje obaveza izabranih dužnosnika, nositelja izvršnih funkcija i savjetnika da prijave imovinu, prihode i porijeklo tih prihoda, kako bi se:

- (a) identifikovale značajne i neopravdane promjene u imovini te pokrenuli administrativni i krivični postupci u skladu sa odgovarajućim zakonima; i
- (b) kako bi se identifikovao i spriječio sukob interesa u obavljanju funkcija.

Član 2.

(Definicije)

Upotrebljeni izrazi u ovom zakonu imaju slijedeće značenje:

1. "izabranim dužnosnicima" smatraju se:

- a) zastupnici u predstavničkom tijelu kantona,
- b) vijećnici u gradskim i općinskim vijećima.

2. "nositeljima izvršnih funkcija" smatraju se:

- a) članovi Vlade Kantona Sarajevo,
- b) gradonačelnici i općinski načelnici,
- c) direktori i zamjenici direktora agencija i članovi nadzornih odbora direkcija, zavoda, ustanova i drugih institucija u Kantonu Sarajevo koji su izabrani i imenovani, ili je za njihov izbor ili imenovanje data suglasnost od zakonodavnog organa kantona ili gradskih i općinskih vijeća ili Vlade Kantona Sarajevo,

3. "savjetnicima" se smatraju savjetnici izabranih dužnosnika i nositelja izvršnih funkcija.

4. „članovi porodice“ smatraju se : roditelji, maloljetna djeca, krvni srodnici, srednik po tazbini, usvojlac, usvojenik, supružnici, vanbračni supružnik, djeca usvojioca starija od 18 godina, ako žive u zajedničkom domaćinstvu.

5. Imovina predstavlja stvari i prava koja je stekao izabrani dužnosnik, nositelj izvršnih funkcija i savjetnik, a obuhvata sve stvari i prava, a posebno nekretnine i pokretnine, potraživanja, poslovne udjele, vrijednosne papire, novac, umjetnine, plemenite metale i drago kamenje u njegovom vlasništvu ili vlasništvu njegovog člana porodičnog domaćinstva.

6. „Agencija“ – Agencija za prevenciju korupcije i koordinaciju borbe protiv korupcije.

POGLAVLJE II

PRIJAVLJIVANJE IMOVINE, PRIHODA, MATERIJALNE DOBITI I FINANSIJSKIH OBAVEZA

Član 3.

(Imovina za prijavu)

1. Prijavljivanje u vezi sa stanjem imovine izabranih dužnosnika, nositelja izvršnih funkcija i savjetnika i njihovih srodnika, sadrži informacije o imovini i prihodima, kao što su:
- a) pravo svojine na nepokretnim stvarima u zemlji i inostranstvu;
 - b) pravo svojine na pokretnim stvarima koje podliježu registraciji kod nadležnih organa u u zemlji i inostranstvu;
 - c) pravo svojine na pokretnim stvarima u vrijednosti većoj od 5.000 hiljada konvertibilnih maraka;
 - d) dionice i udjeli u pravnim licima i drugi vrijednosni papiri;
 - e) depoziti u bankama i drugim finansijskim organizacijama, u zemlji i inostranstvu;
 - f) prava po osnovu autorskih, patentnih i sličnih prava intelektualne svojine;
 - g) finansijske obaveze prema fizičkim i pravnim licima, i
 - h) izvor i visina godišnjih novčanih prihoda.

2. Kada je imovina članova porodice odvojena, prijavljivanje se obavlja posebno za svakog člana sa registrovanom imovinom na njegovo ime i prilaže se prijavi osobe koja ima obavezu za prijavljivanje.

3. U prijavi prihoda i finansijskih obaveza, izabrani dužnosnik, nositelj izvršne funkcije i savjetnik navodi iznos, vrstu izvora svakog prihoda, iznos i vrstu finansijskih obaveza.

Član 4.

(Prijavljivanje imovine prilikom preuzimanja dužnosti)

Izabrani dužnosnik, nositelj izvršnih funkcija i savjetnik su obavezni da prijave imovinu iz člana 3. u roku od 30 dana od dana preuzimanja dužnosti.

Član 5.

(Godišnje prijavljivanje imovine)

1. Godišnje prijavljivanje imovine iz člana 3. obavezno se vrši tokom vremena obavljanja funkcije u periodu od 1. do 31. januara svake kalendarske godine.

2. Izabrani dužnosnik, nositelj izvršnih funkcija i savjetnik je također obavezan da prijavi svaku značajnu promjenu u imovini koja se desi nakon ovog perioda, trideset dana nakon te promjene.

Član 6.

(Prijavljivanje imovine poslije završetka dužnosti ili razriješenja)

Izabrani dužnosnik, nositelj izvršnih funkcija i savjetnik su obavezni da podnesu prijavu imovine iz člana 3. najkasnije 30 dana nakon završetka dužnosti po bilo kojem osnovu.

Član 7.

(Prijavljivanje na zahtjev Agencije)

Agencija u svako vrijeme može da traži od izabranih dužnosnika, nositelja izvršnih funkcija i savjetnika da dostave traženu informaciju o imovini iz člana 3.

POGLAVLJE III

REGISTROVANJE I VOĐENJE PRIJAVA IMOVINE

Član 8.

(Sadržaj prijave)

1. Obrazac prijave mora da sadrži:

- a) ime i prezime osobe koja podnosi prijavu i njenu funkciju,
- b) ime i prezime članova porodice osobe koja podnosi prijavu,
- c) naziv institucije u kojoj je osoba zaposlena/imenovana, adresu institucije, datum imenovanja na funkciju,
- d) datum predaje prijave,
- e) nepokretnu imovinu i njenu vrstu, površinu, porijeklo, njenu pretpostavljenu vrednost i u čijem je vlasništvu, da li se radi o suvlasništvu i u kolikom procentu, vrstu i izvor sredstava kojima je kupljena ta imovina,

- f) pokretna imovina i njena vrsta, godina proizvodnje ili kupnje, njena pretpostavljena vrijednost, i u čijem je vlasništvu, potpune podatke o dionicama u privrednim društvima ili nekoj drugoj instituciji, vrijednosnim papirima, finansijskim obavezama koje osoba koja podnosi prijavu ima prema fizičkim i pravnim osobama,
 - g) podaci o učešću u nadzornim odborima, upravnim odborima i slično, bez obzira da li se vrše uz naknadu ili bez naknade,
 - h) ukupni godišnji prihodi podijeljeni s obzirom na izvor prihoda,
 - i) ličnu izjavu kojom se pod punom moralnom, krivičnom i građanskom odgovornošću potvrđuje istinitost podataka u prijavi,
 - j) ličnu izjavu kojom se pod punom građanskom i krivičnom odgovornošću potvrđuje da ni jedan dio imovine nije izostavljen iz prijave,
 - k) potpis podnosioca prijave.
2. Pristup podacima koji se odnose na prijavljivanje imovine izabranih dužnosnika, nositelja izvršnih funkcija i savjetnika se vrši saglasno odredbama Zakona o slobodi pristupa informacijama u BiH.
3. Obrada osobnih podataka koji se nalaze u registru se vrši saglasno sa Zakonom o zaštiti osobnih podataka BiH.

POGLAVLJE IV

Član 9. (Primanje poklona)

1. Izabrani dužnosnik, nositelj izvršnih funkcija i savjetnik ne može tražiti niti primiti poklone ili druge pogodnosti za sebe, niti za svoje članove porodice, za obavljanje svojih dužnosti, kao ni poklone koje utiču ili mogu uticati u obavljanje njegovih dužnosti, osim protokolarnih poklona.
2. Protokolarnim poklonima smatraju se pokloni darovani od predstavnika stranih zemalja i međunarodnih organizacija prilikom službenih posjeta.
3. Odmah po prijemu, ili nakon povratka u zemlju, osoba koja je primila protokolarni poklon dužna je da obavijesti organ, organizaciju, javnu službu u kojoj vrši javnu funkciju.
4. Protokolarni pokloni su vlasništvo institucije u kojoj osoba koja ga je dobila obavlja dužnost.
5. Protokolarni pokloni i to: državni simboli, medalje i protokolarne oznake mogu se upotrijebiti tokom obavljanja službene dužnosti.

Član 10. (Registracija poklona)

1. Svi primljeni pokloni i njihova odgovarajuća vrijednost, kao i imena osoba koje su dale i primile poklon, obavezno se registruju u registru podataka institucije u kojoj je zaposlena osoba koja je primila poklon, odnosno u kojoj osoba obavlja dužnost.
2. Institucije iz predhodog stava, ovog člana, treba da imenuju odgovorne službenike za vođenje registra podataka i treba da informišu Agenciju o podacima iz registra.
3. Registar poklona je javan i institucije su obavezne da obezbeđuju javni pristup u registar, saglasno sa utvrđenim procedurama propisanim u Zakonu o slobodi pristupa informacijama u BiH.
4. Institucije koje su obavezne da vode registar poklona treba da dostave Agenciji kopije registara prethodne godine, najkasnije do 1. marta naredne godine.
6. Ukoliko Agencija konstatuje da je izabrani dužnosnik, nositelj izvršnih funkcija ili savjetnik prekršio odredbe ovog zakona i ukoliko to kršenje ne sadrži obilježja krivičnog djela, obavezna je da informiše instituciju u kojoj ta osoba vrši dužnost i traži da se prema prekršitelju preduzmu odgovarajuće disciplinske mjere. Institucija je obavezna da informiše Agenciju o poduzetim disciplinskim mjerama.
8. U slučajevima kada postoji sumnja da je počinjeno krivično djelo kršeći odredbe ovog zakon, Agencija o tome obavještava nadležno tužilaštvo.

Član 11. (Nadležni organ)

1. Nadležni organ koji upravlja i održava vođenje registra je Agencija u skladu sa odredbama Zakona o Agenciji za prevenciju korupcije i koordinaciju borbe protiv korupcije.

2. Agencija ima obavezu da vrši:

- a) prijem i registrovanje izvršenih prijava;
- b) unošenje novih podataka u registar;
- c) arhiviranje podataka o prijavljenoj imovini na period od deset godina od vremena završetka ili razrješenja sa funkcije;
- d) uništavanje podataka nakon isteka roka od deset godina od vremena završetka ili razrješenja sa funkcije.
- e) kontrolu imovine

3. Institucije u kojima su izabrani dužnosnici, nositelji izvršnih funkcija i savjetnici ima obavezu da:

- a) odrede svoje službenike iz srodnih službi za vođenje evidencije o prijavama imovine;
- b) prate listu sa imenima izabranih dužnosnika, nositelja izvršnih funkcija i savjetnika i obavještava Agenciju o izmjenama na listi u roku od 15 dana;
- c) obavještavaju izabrane dužnosnike, nositelje izvršnih funkcija i savjetnike o prijavljivanju imovine;
- d) registrira primljene protokolarnе poklone od službenih lica u registar institucije i predaje kopiju registra kod Agencije do 1. marta svake kalendarske godine.

Član 12.

(Vođenje evidencija)

Agencija vodi sljedeće evidencije:

- a) Registar izabranih dužnosnika, nositelja izvršnih funkcija i savjetnika;
- b) Registar imovine;
- c) Katalog poklona.

POGLAVLJE V

KONTROLA PRIJAVLJENIH PODATAKA

Član 14.

1. Agencija vrši kontrolu prijavljivanja imovine izabranih dužnosnika, nositelja izvršnih funkcija i savjetnika.
2. Svaka prijava se provjerava u cilju utvrđivanja postojanja ili nepostojanja materijalnih grešaka ili pogrešno popunjenih prijava.
3. Ukoliko se utvrde materijalne greške ili greške u popunjavanju ili je prijava nepotpuna Agencija obavještava podnositelja prijave koji je u roku od petnaest dana od primanja obavještenja, obavezan da prijavu ispravi ili dopuni.
4. Agencija je nadležna da vrši kontrolu podataka o imovini i izvore i vrstu prihoda kojima je imovina kupljena.
5. U slučaju nesrazmjera između prihoda i imovine, kao i u slučaju osnova sumnje u istinitost podataka i zakonitosti načina na koji je imovina stečena Agencija je dužna o tome obavjestiti odgovornu osobu u organu ili instituciji o čijem se zaposlenom/imenovanom članu radi, te istovremeno podnijeti zahtjev za pokretanje istražnog postupka kod nadležnog tužiteljstva.

Član 15.

(Obaveza davanja podataka)

1. Tokom vršenja kontrole i provjere prijava, Agencija može da traži ili koristi podatke dobijene od svih fizičkih i pravnih osoba, u skladu sa Zakonom o zaštiti osobnih podataka FBiH.
2. Na zahtjev Agencije, banke i drugi subjekti, koji vrše bankarsku i finansijsku djelatnost na području BiH, obavezne su da daju podatke za ulaganja, račune i izvršene transakcije osoba koje po ovom zakonu imaju obavezu prijavljivanja imovine.
3. Navedeni subjekti u stavu 1. i 2. ovog člana, su obavezni da stave na raspolaganje tražene podatke u roku od petnaest dana od podnošenja pismenog zahtjeva od strane Agencije.

POGLAVLJE VI

KAZNENE ODREDBE

Član 16.

(Neprijavlivanje imovine ili davanje lažnih podataka o imovini)

Izabrani dužnosnik, nositelj izvršnih funkcija i savjetnik koji ne prijavi imovinu Agenciji ili daje lažne podatke o imovini, u namjeri da prikrije podatke o imovini, kazniće se novčanom kaznom ili kaznom zatvora do tri godine.

ili

1. Izabrani dužnosnik, nositelj izvršnih funkcija i savjetnik koji krši obaveze utvrđene ovim zakonom, a koja kršenja ne predstavljaju obilježja krivičnog djela, kazniće se:

a) novčanom kaznom od hiljadu (1000) do dvije hiljade i petstotina (2.500) konvertibilnih maraka, za kašnjenje u godišnjem prijavljivanju imovine;

b) novčanom kaznom od deset hiljada (10.000) do dvadeset pet hiljada (25.000) konvertibilnih maraka, za neprijavlivanje imovine prilikom preuzimanja dužnosti;

c) novčanom kaznom od deset hiljada (10.000) do dvadeset pet hiljada (25.000) konvertibilnih maraka, za neprijavlivanje imovine na zahtjev Agencije;

d) novčanom kaznom od deset hiljada (10.000) do dvadeset pet hiljada (25.000) konvertibilnih maraka, za neprijavlivanje imovine poslije udaljavanja sa funkcije;

2. Novčanom kaznom od pedeset hiljada (50.000) do sto hiljada (100.000) konvertibilnih maraka kazniće se za prekršaj subjekt koji na zahtjev Agencije ne postupa saglasno sa članom 14. ovog zakona;

3. Kako bi inicirala prekršajni postupak, Agencija obavještava nadležnog rukovoditelja ili instituciju, odnosno organ u kojoj izabrani dužnosnik, nositelj izvršnih funkcija i savjetnik radi ili je radio.

4. Ukoliko prekršaj utvrđenih obaveza iz ovog zakona sadrži obilježja krivičnog djela, Agencija podnosi krivičnu prijavu nadležnom tužiteljstvu s obzirom na to da obrazac prijave imovine, stupanjem ovog zakona na snagu, postaje službena isprava Krivičnog zakona FBiH.

Član 17.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo.

Član 18.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj _____

Sarajevo, _____ godine

PREDSJEDAVALA SKUPŠTINE KANTONA SARAJEVO: Ana Babić

I. USTAVNI OSNOV ZA DONOŠENJE ZAKONA

Kantoni imaju ustavnu nadležnost za donošenje ovog Zakona te se ne radi o isključivoj nadležnosti Federacije BiH.

II. RAZLOZI ZA DONOŠENJE ZAKONA

Donošenje ovog Zakona bi pridonijelo podizanju nivoa povjerenja u legitimno i nepristrasno obavljanje javnih funkcija, ojačalo bi se povjerenje javnosti u funkcioniranje političkog sistema i njegovih institucija.

Pri izradi ovog nacrtu polazi se od preuzetih međunarodnih obaveza BiH, naročito onih iz Konvencije UN-a protiv korupcije. Ona u članu 7 stav 4 nameće obavezu državama članicama da u najvećoj mogućoj mjeri poštuju principe transparentnosti i da sprečavaju sukobe interesa u javnom sektoru, a član 20 se odnosi na nezakonito bogaćenje javnih funkcionera. Istovremeno se polazi od preporuka UN-a, Europske unije i Vijeća Europe u oblasti borbe protiv organizovanog kriminala, korupcije i pranja novca, posebno preporuka GRECCO-a.

III. POSTOJEĆI ZAKONSKI OKVIR

Članovima 15.7, 15.8 i 15.9 Izbornog zakona BiH (Sl. glasnik BiH br. 23/01 i izmjene i dopune) precizira da je svaki kandidat za izbornu funkciju dužan podnijeti izjavu o svom ukupnom imovinskom stanju Centralnoj izbornoj komisiji (CIK). Iako je prijavljivanje imovine zakonska obaveza i ti podaci moraju biti dostupni javnosti, svi političari ne prijavljuju svu svoju imovinu. Za nepodnošenje prijave predviđena je novčana kazna, međutim Zakon ne predviđa kako se vrši provjera tačnosti prijave i koje su sankcije za ne prijavljivanje cjelokupne imovine i prihoda. Član 155 a) Krivičnog zakona BiH se odnosi samo na davanje lažnih izjava tokom postupka imenovanja u organe BiH, a upitno je i da li bi se uopće mogao primjeniti na ne prijavljivanje dijela imovine u skladu sa Izbornim zakonom.



Broj: 02-05-18901-4.1/16
Sarajevo, 19.05.2016. godine

Na osnovu člana 136. stav 3. i člana 146. Poslovnika Skupštine kantona Sarajevo ("Službene novine Kantona Sarajevo", - Drugi novi prečišćeni tekst broj: 41/12, 15/13, 47/13 i 47/15), Vlada Kantona Sarajevo na 43. sjednici održanoj **19.05.2016.** godine, razmatrala je dostavljeni Nacrt zakona o pribavljanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo podnesen od strane zastupnika/poslanika u Skupštini Kantona Sarajevo Predraga Kojovića, i daje sljedeće

MIŠLJENJE

1. Prihvataju se Mišljenja Ministarstva pravde i uprave broj: 03-04-02-13793716 od 22.04.2016. godine, Ministarstva finansija broj: 08-01-02-18204/16 od 12.05.2016. godine i Ureda za zakonodavstvo Vlade Kantona Sarajevo broj: 09-02-18205/16 od 13.05.2016. godine na Nacrt zakona o pribavljanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo podnesen od strane zastupnika/poslanika u Skupštini Kantona Sarajevo Predraga Kojovića.
2. Mišljenja iz tačke 1. dostavljaju se Skupštini Kantona Sarajevo i predstavljaju zvanični stav Vlade Kantona Sarajevo.
3. Vlada Kantona Sarajevo podržava inicijativu zastupnika/poslanika u Skupštini Kantona Sarajevo Predraga Kojovića i predlaže da se uvažava navedena mišljenja.



PREMIJER
Konaković
Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Evidencija
5. Arhiva





KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo
Canton Government

183 291 13.05.16.
14,00
Dijana
Markoni

Broj: 09-02-18205/16
Sarajevo, 13.05.2016. godine

KANTON SARAJEVO
STRUČNA SLUŽBA VLADE

PREDMET: Nacrt Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo.-
Veza Vaš akt broj: 16-49-87-97/16 od 12.05.2016. godine.

Ured za zakonodavstvo Vlade Kantona Sarajevo vezano za nacrt Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo, a koji ste dostavili u prilogu akta, broj gornji, daje slijedeće preporuke po predmetnom materijalu, i to kako slijedi:

1) u skladu sa međunarodnim aktima i preporukama, Parlament Bosne i Hercegovine je donio Izborni zakon Bosne i Hercegovine, kao i Zakon o Agenciji za prevenciju korupcije i koordinaciju borbe protiv korupcije, a u cilju obezbjeđenja jedinstvene primjene ovih pravnih instituta na cijeloj teritoriji Bosne i Hercegovine kao i ustavnog načela jednakosti pred zakonom kandidiranih i izabranih javnih dužnosnika na svim nivoima vlasti u Bosni i Hercegovini.

Odredbama čl. 15.7 i 15.8 Izbornog zakona Bosne i Hercegovine, propisuje se obaveza i način prijavljivanja imovinskog stanja kandidata i izabranih dužnosnika na svim nivoima vlasti, kao i nadležnost postupanja Centralne izborne komisije po ovim pravnim predmetima.

Po istom principu, odredbama državnog zakona o Agenciji za prevenciju korupcije i koordinaciju borbe protiv korupcije, propisani su pravni instituti i načela u ovoj oblasti, a isto tako je utvrđena i nadležnost odnosno djelokrug rada državne Agencije i institucija Bosne i Hercegovine.

S tim u vezi, mišljenja smo, da se bilo kakve promjene ili drugačije regulisanje pravnih instituta i pitanja u ovoj oblasti, mogu izvršiti izmjenama i dopunama navedenih državnih zakona.

Pravno regulisanje ovih pitanja na nivou kantona odnosno kantonalnim zakonom, moglo bi dovesti do povrede naprijed navedenih osnovnih načela u ovoj pravnoj oblasti.

2) u slučaju različitih pravnih tumačenja po ovom predmetu, preporuka je ovog Ureda da se po ovom pitanju konsultuju nadležni državni organi i institucije koji primjenjuju odredbe navedenih državnih zakona.

Dostaviti:

1. Naslovu
2. Evidencija
3. Arhiva



SEKRETAR

Almed Ljubović, dipl.pravnik



web: <http://uzks.gov.ba>
e-mail: ured@ks.gov.ba
Tel/fax: +387 (0) 33 560-448
Sarajevo, Hamida Dizdara 1





157

14.04.16.

UOP, 10h

[Handwritten signature]

Broj: 02-02-12101/16
Sarajevo, 14/4/2016. godine

STRUČNA SLUŽBA VLADE KANTONA SARAJAEVO
n/r gosp. Tarik Humačkić, sekretar

PREDMET: Dostava Nacrta zakona o prijavljivanju, porijeklu i kontroli imovine izabраних dužnosnika, nositelja izvršnih funkcija i savjetnika u Kantonu Sarajevo, *dostavlja se*.

Poštovani,

U prilogu vam dostavljamo Nacrt zakona o prijavljivanju, porijeklu i kontroli imovine izabраних dužnosnika, nositelja izvršnih funkcija i savjetnika u Kantonu Sarajevo, podnesen od strane zastupnika Predraga kojovića, radi davanja mišljenja u skladu sa članom 136. stav 3. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst broj: 41/12, 15/13, 47/13 i 17/15) i uvrštavanja na dnevni red sljedeće sjednice Vlade Kantona Sarajevo.

S poštovanjem,

SEFIKA KABINETA
[Handwritten signature]
Lejla Mujkić

Dostaviti:
- naslovu
- a/a



1267

849

07-04-2016

Bosna i Hercegovina
Federacija Bosne i Hercegovine



Bosnia and Herzegovina
Federation of Bosnia and Herzegovina
CANTON SARAJEVO ASSEMBLY

SKUPŠTINA KANTONA SARAJEVO

Broj: 01-02-10290-1 /16
Sarajevo: 05.04.2016. godine

VLADA KANTONA SARAJEVO
n/r premijera

Predmet: Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevu, dostavlja se

U prilogu akta dostavljamo Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevu, podnesen od strane zastupnika Predraga Kojovića, radi davanja mišljenja u skladu sa članom 136. stav 3. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst broj 41/12, 15/13, 47/13, 47/15).

S poštovanjem,

Dostavljeno:
-naslovu
-a/a

PRISJEDATELJICA
SKUPŠTINE KANTONA SARAJEVO
Prof. dr. Babić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1





Broj: 16-49-87-90/16
Sarajevo, 15.04.2016. godine

KANTON SARAJEVO
MINISTARSTVO PRAVDE I UPRAVE

Predmet: Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo, dostavlja se.-

Aktom Kabineta premijera broj: 02-02-12101/16 od 14.04.2016. godine u Stručnu službu Vlade Kantona Sarajevo dostavljen je Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo, upućen Vladi od strane Skupštine Kantona Sarajevo.

Navedeni Nacrt zakona podnesen je od strane zastupnika u Skupštini Kantona Sarajevo Predraga Kojovića i isti se dostavlja Vladi Kantona Sarajevo radi davanja mišljenja u skladu sa članom 136. stav 3. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj: 41/12, 15/13, 47/13 i 47/15).

Shodno navedenom, potrebno je pripremiti prijedlog izjašnjenja za Vladu Kantona Sarajevo, kako bi Vlada na jednoj od narednih sjednica zauzela konačan stav po istom.

S poštovanjem

Prilog: Akt Skupštine Kantona Sarajevo, broj: 01-02-10290-1/16 od 05.04.2016. godine sa Nacrtom zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo.

SEKRETAR

Tarik Humačkić
mr. sc. Tarik Humačkić

- Dostaviti:
1. Naslovu *Arhiva 15-04-2016*
 2. Evidencija
 3. Arhiva



web: <http://vlada.ks.gov.ba>

e-mail: ssv@ks.gov.ba;

Tel: + 387 (0) 33 562-075, 562-077

Fax: + 387 (0) 33 562-076

Sarajevo, Reisa Džemaludina Čauševića 1





Broj: 03-04-02-13793/16
Sarajevo, 22.04.2016. godine

**STRUČNA SLUŽBA VLADE
KANTONA SARAJEVO**
gosp. Tarik Humačkić, sekretar

PREDMET: Nacrt Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo, mišljenje –

VEZA: Vaš akt, broj: 16-49-87-90/16 od 15.04.2016. godine

Postupajući po vašem aktu, broj i datum gornji, u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11, 30/11 i 23/15), Ministarstvo pravde i uprave razmotrilo je nacrt ovog zakona i daje slijedeće

MIŠLJENJE

1. Pitanje prijavljivanja, porijekla i kontrole imovine samo jednog broja građana (izabranih dužnosnika, nositelja izvršnih funkcija i savjetnika) u Kantonu Sarajevo predstavlja diskriminaciju iz više razloga:

- Izabranim dužnosnicima i nositeljima izvršnih funkcija u Kantonu Sarajevo, Gradu Sarajevu i općinama na teritoriji Kantona Sarajevo uvjerenje o dobijenom mandatu ne izdaje Skupština Kantona Sarajevo, Gradsko, odnosno općinsko vijeće, nego Centralna izborna komisija BiH (član 2.9. tačka 10. Izbornog zakona BiH), kojoj istim ovim zakonom (čl. 15.7, 15.8. i 15.9.) svi kandidati imaju dužnost dostaviti potpisanu izjavu o imovinskom kartonu sa tačno propisanim sadržajem. S obzirom da je Izbornim zakonom BiH, kojim se reguliše provođenje općih i lokalnih izbora, regulisano i pitanje imovine i imovinskih kartona i kojim su obuhvaćeni i izabrani dužnosnici i nositelji izvršnih funkcija u Kantonu Sarajevo, Gradu Sarajevu i općinama na teritoriji Kantona Sarajevo, dostavljeni prijedlog zakona bi predstavljao diskriminaciju u odnosu na druge izabrane dužnosnike i nositelje izvršnih funkcija drugih nivoa vlasti (BiH, Federacija BiH, Republika Srpska, drugi kantoni i drugi gradovi i općine van Kantona Sarajevo.)
- Također, diskriminaciju bi predstavljao i to što se trenutno na teritoriji Kantona Sarajevo nalaze, odnosno imaju sjedište organi i institucije drugih nivoa vlasti (BiH, Federacije BiH), kojim je također mandat dodjeljen od strane Centralne izborne komisije, a na koje se ne predviđa primjena dostavljenog prijedloga zakona, što je u suprotnosti sa odredbama člana



14. Evropske konvencije o ljudskim pravima i osnovnim slobodama i odredbama člana 2. Zakona o zabrani diskriminacije („Službeni glasnik BiH“, broj 59/09).


2. Također, ukazujemo i na član 16. u Poglavlju VI – KAZNENE ODREDBE, kojim se u stavu (1) alternativno propisuje novo krivično djelo koje nije obuhvaćeno Krivičnim zakonom Federacije Bosne i Hercegovine.

Propisivanje novog krivičnog djela se ne može propisati kantonalnim zakonima iz razloga što je Skupština Kantona Sarajevo na na svojoj sjednici održanoj 4.12.1997. donijela Zakona o prenosu nadležnosti za donošenje krivičnog zakona – posebni dio sa Kantona Sarajevo na Federaciju Bosne i Hercegovine („Službene novine Kantona Sarajevo“, broj 22/97), čime je svoju ustavnu nadležnost za propisivanje krivičnih dijela prenijela na Federaciju Bosne i Hercegovine.

S poštovanjem,

Dostaviti:

1. Naslovu;
2. a/a.



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02- 18204/16
Sarajevo, 12.05. 2016. godine

STRUČNA SLUŽBA VLADE
KANTONA SARAJEVO
Ovdje

PREDMET: Mišljenje
Veza vaš broj: 16-49-87-97/16 od 12.05.2016. godine

Vežano za vaš zahtjev za mišljenje na Nacrt zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Kantonu Sarajevo navodimo da je članom 3. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“ br. 21/11- Novi prečišćeni tekst i 30/1) propisano da obrazloženje propisa treba da sadrži finansijska i druga sredstva potrebna za provođenje propisa i način njihovog obezbjeđenja (izvori sredstava), te ukoliko su za sprovođenje propisa potrebna finansijska i druga sredstva , nosilac izrade je dužan pribaviti mišljenje Ministarstva finansija.

Kako Predlagač zakona u obrazloženju nije naveo da li su za sprovođenje zakona potrebna finansijska sredstva, odnosno finansijske efekte zakona na Budžet, Ministarstvo finansija na osnovu dostavljenog materijala i navedene Uredbe ne može dati traženo mišljenje.

Pripremila- Avdić ZD



MINISTAR
Jasmin Halebić
Dr. Jasmin Halebić



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62

